

欽定剿平三省邪匪方略

欽定剿平三省邪匪方略正編卷八十五

戊午年

十二月初二日

辛卯

惠齡額勒登保德楞泰奏言

臣等前將賊匪羅其清所據之太鵬寨攻克該

匪分作三四股乘隙逃竄

臣

等分路兜剿東追

西擊至雙山子地方賊匪各股會集卽仕山梁
抵拒綸布春阿哈保賽冲阿阿穆勒塔温春李
紹祖德寧楊遇春穆克登布等各帶兵勇搶上

山梁殺賊約五百餘人賊匪潰散四竄我兵兇
剿兩晝夜因賊匪散漫山路叢雜隨覓土人查
詢道路是夜四鼓仍卽帶兵緊剿又追殺一日
隨處俱有殲擒行抵距雙山子百餘里之青觀
山本有羅其清前遣夥匪數千名在彼屯踞羅
其清被剿情急連夜竄上青觀山其賊衆分佔
山梁三處周圍約有四十餘里臣等是夜於附

近分割營卡該匪等竟敢前來搶撲叠經擊退

臣惠齡額勒登保帶兵攻其前臣德楞泰帶兵

扼其後均於五鼓進擊臣額勒登保鼓勵將士

當將飯瓢梁賊卡打破殺賊四百餘人進逼賊

巢臣惠齡帶兵攻克太公石賊卡殺賊三百餘

人臣德楞泰帶兵分搶老竹山洞坪寨賊卡均

經奮力搶佔殺賊五百餘人卽合兵一處攻撲

賊巢因山勢過陡我兵俱係仰攻賊匪鎗礮搗石俱下並敢集眾出寨抗拒把總胡勝賢外委楊泰俱受礮傷陣亡叅將劉邦直千總周學光把總馬濟勝均經受傷我兵竭力搶撲當殲賊匪三百餘人臣德楞泰一路官兵搶近青觀山右手山梁拋擲火彈當將草棚焚燒並卽砍破木城賊匪尙敢捨死抗拒官兵刀砍矛戳殲斃

四百餘人始將右手山梁佔踞卽帶兵抄來

臣

惠齡額勒登保督兵由前路搶上將至山頂猝
有賊匪四五百人從上下壓當卽分派官兵將
賊截斷追至坡下鎗箭所斃及滾崖跌死者共
四百餘人乘勢將賊寨打破時總兵朱射斗同
叅領佛寧攻賊左面山梁賊匪擲石放鎗拒守
甚力都司常祿守備劉秉陽何化龍把總史可

選俱受鎗傷官兵奮勇衝殺斃賊三百餘人時

已深夜

臣

等分投剿殺悉將賊寨焚燒青觀山

賊巢全行攻克生擒吳士雄等二百餘人據供

羅其清見官兵破寨留人抵禦卽乘夜率衆潰

逃等語

臣

等一面分兵攔截並令官兵搜捕殺

賊男婦八百餘名獲有賊礮鎗矛等件探得羅

其清潰逃之後又作數股分竄隨會同商議

臣

德榜奏督兵從東面抄擊並令朱射斗帶兵由

西路兜截臣惠齡額勒登保督兵由中路追剿

仍派兵勇各處搜捕並彼此策應三路抄殺約

斃賊匪七百餘名先後生擒及巖洞搜出竄散

賊匪共四百五十七名口內訊出頭目苟文如

魏應聘二名並係久經打仗之賊俱交遲正法

外其餘男婦三百五十一名訊係逼脅隨從在

賊營未久當卽旣論概行釋放令其各歸本處
臣等現仍分路截剿查賊衆俱在巴州地界羅
其清亡命狂奔並無一定處所但屢次圍截旣
不使片刻停留而又將其逼脅竄散之人予以
釋放則其黨與聞風自必陸續解散該逆勢孤
力竭諒難久延殘喘奏入

上命軍機大臣傳諭勒保惠齡額勒登保德楞泰曰

此次惠齡雖將青觀山賊巢攻克而首逆仍任奔竄迄未就獲且額勒登保德楞泰兩路俱稱殺賊四百餘人而惠齡與德楞泰前後又稱各殺賊三百餘人數目相同顯係所殺賊匪不過三四百名而各路彼此影射重複虛報若果如所奏節次所殺之賊爲數不少賊匪早應殲盡安得尙有如許之多此等詭詞豈能逃朕洞鑒惠齡等著再傳旨

嚴行申飭其打仗陣亡之把總胡勝賢外委楊泰
俱著咨部加等議卹

初四日癸巳宜綿奏言查李樹樊人傑阮正通唐

明萬龔建龍紹周等各股賊匪經臣督率慶溥

柯藩等截回四川太平之田壩河遂由城口竄

赴大寧詎行至七里峽紅花溪爲大寧鄉勇擊

退又折回城口在老鶴口一帶屯紮距安康平

利邊界不遠下遂飛飭知縣任奎光石裴在平
利之兩扇門偏巖子等處知縣趙廷麒署縣丞
丁福志典史李林在安康之南天門黃金溝等
處分帶鄉勇各據險隘施放鎗礮大張聲勢賊
匪知有準備復由城口竄往大耳壩又與紫陽
連界臣復飛飭道員溫承惠督率知縣蔣志坦
金思義黃靖圖主簿韓毅庭等帶領鄉勇會同

柯藩及帶兵各將升在六道河八道河二州堦

土地嶺等處分投堵禦臣仍駐劄石泉往來策

應可以不虞闌入賊匪勢已西趨恐其由太平

通江竄入西鄉南鄭寧沔一帶秦承恩已飛咨

王文雄回駐西鄉扼其要路恒瑞又帶兵回至

保寧賊若西奔正可由寧羌一路與副將李文

蔚之兵會同截擊是興安所屬固可無虞卽漢

中一帶亦屬有備後股賊匪似不能復行竄入
惟前此從長灘偷渡之賊探聞卽係張漢潮一

股已由縣北山竄入五郎鎮安境內現有明亮
興肇緊躡賊蹤至兩河關連打數仗殺獲甚衆
賊匪遂由小河口向羊山東竄查張漢潮係襄

陽人必思逃回湖北明亮之兵勢不能繞至賊

前臣前派之關騰在北路一帶遏其北竄西安

之路東南未免空虛臣督飭知府周光裕等團

集鄉勇在石泉江岸嚴密布置抽出官兵千餘
名派總兵慶溥由水路至白河縣防堵南面漫
川關如賊匪逃回湖北正可迎頭截擊與明亮
等前後夾攻惟東路商雒一帶僅有鄉勇堵禦
恐不足深恃已飛咨河南撫臣倭什布帶兵在
秦豫邊界駐紮以防竄逸奏入

上命軍機大臣傳諭勒保明亮宜綿倭什布曰賊匪
李樹等在紫陽連界之大耳壩游奕經宜綿等將
各處邊界嚴防自可無虞闖入而張漢潮一股仍
由五郎鎮安一帶向東奔竄明亮等剿辦此股賊
匪爲日已久俟事尾追且自前月十七日奏報後
迄今已半月有餘並未將殺賊情形續行具奏似
此遷延貽誤實屬不知愧勵著再傳旨嚴行申飭

其商雒一帶接連豫省並著倭什布派撥鎮將督率官兵在邊界嚴密堵截杜其奔竄

初六日

乙未

勒保奏言查冷添祿一股賊匪前因

詐降圖竄被官兵截殺後堅守寨門抵拒益力

臣

每日分兵攻撲不予以喫而各路匪眾以冷

添祿被圍日久咸思救援先有林亮功分出賊

匪一股由萬縣繞道來至三正鋪賊旗上書急

救祖師觀字樣情形極爲可惡當經分派兵

勇於高陽等處相機迎擊適值該匪等陸續竄
至經各兵勇出其不意痛加殺戮斃賊四百餘
名匪衆旋即折竄正在籌商進剿賊巢復據太
平開縣兩處稟報有自箕山竄出之龔建一股
先由東鄉太平竄至開縣溫湯井而樊人傑龍
紹周等又從陝省西鄉折入太平之田壩河一

帶與龔建有合駭之勢

臣

因温湯井距安樂坪

後路不遠設該匪等與令添祿乘間應援殊有

關係必須預備迎擊隨派總兵百祥於各營卡

內抽帶兵勇馳赴温湯井該匪等見有官兵到

來亦卽率衆抵禦我兵奮勇衝入攪殺一處斃

賊五百餘名生擒十五名餘衆潰逃經官兵追

至渡口巖沿途又殲賊一百餘名其大駭均向

大寧之湯家壩一帶竄逸查大寧地方先經知縣鍾進分撥鄉勇一千餘名在東溪河等處堵禦頗爲嚴密臣又飛飭副將富明阿叅將吉林

泰等於奉節巫山各隘口扼要堵截並飛咨楚

省加倍嚴防遏其東竄之路臣因龔建等奔竄

已遠亟須並力進攻祖師觀以期早行掃蕩而

臣一路將領無多不敷分撥先經札調新授甘

州提督達三泰前來該提督於十六日到營察
看地勢躍有東面手把巖一處山勢雖陡尙可
攀越而上隨於十九日四更卽令達三泰護西
寧鎮薛大烈帶領兵勇乘夜進發並飭觀成百
祥穆克登阿等分路環攻牽綴賊勢達三泰薛
大烈一路兵勇於四更時潛伏巖下乘賊匪未
及知覺守備薛陞千總桂涵等扳開木柵手刃

守卡賊匪三人我兵鼓勇直上將草棚十餘間
全數焚燒殺賊七八十名生擒劉寅兒等十二
名臣嚴催兵勇併力前進詎手把嚴逼近祖師

觀後山兩崖對峙之間有深溝一道賊匪上搭
偏橋因見官兵搶上立將偏橋拆斷復於對面
施放鎗石悉力抵禦官兵不能越過而地方險
窄難於駐劄暫行捲撤現在一面嚴飭各營卡

晝夜嚴防一面策勵將士另行設法攻擊總期
將此股賊匪一鼓掃除再此次溫湯井一路打
仗外委薩得芳張得貴受傷陣亡攻撲手把巖
一路遊擊馮振先把總陸建敏均經受傷其餘
受傷兵勇另行查明咨部

勒保又奏言查林亮功王光祖包正洪張映祥
等股賊匪於川東川北地方往來奔竄分合無

常有由岳池定遠窺伺順慶者。有由長壽江北窺伺重慶者。一經兵勇截擊。又復分投折竄。每於忠州墊江大竹鄰水等處邊界滋擾。其劉君輔富森布所帶官兵節次於墊江屬之板子山長壽屬之雲臺寺等處跟蹤追擊。殺賊百餘名。及三四百名不等。各州縣地方官督率鄉勇互相追剿。擒斃亦多。惟緣匪衆到處狂奔。未能聚

而殲洗現在徐添德一股又由達州大竹竄赴鄰水長壽如與林亮功等彼此聯絡賊勢未免較張臣前因徐添德與冉文偉從箕山奔竄會知會額勒登保與富成分兵剿辦嗣因惠齡會合兵力專剿羅其清一股正當喫緊未能抽撥是以暫飭各屬團集鄉勇併力堵禦茲羅其清匪衆已由太鵬山潰逃毋須重兵合剿而冉文

僑匪衆竄至通江牛石嶺地方屯紮經該縣知
縣徐廷鈺集勇圍捕斃賊極多

臣

又飛飭總兵

德齡由巴州帶領兵勇就近馳往正足以資剿

辦是以復行札致惠齡並諄囑額勒登保由順

慶一路相機迎擊富成仍由大竹一路追剿徐

添德匪衆現在富成帶兵已從太鵬起身如果

額勒登保卽分兵進發與富成劉君輔等三面

攻擊則賊勢自不致再有蔓延可期次第撲滅
此次劉君輔等一路打仗守備劉正麒外委燕
福寧受傷陣亡其餘各路鄉勇亦有傷亡容俟
查明咨部

勒保又奏言查達州爲糧餉重地且係賊匪往
來熟徑不時出沒窺伺屢經札飭永寧道石作
瑞督率地方官團集鄉勇隨時堵截賊匪均不

敢逼近城池。據該道稟稱：達州大竹交界葛
麻場地方有匪徒聚集四五百人，由石梯坎一
路焚掠。當派署達州事候補同知直隸州黃銑
旬、縣呂朝恩、李霖選派附近各寨鄉勇星馳剿
捕。將至石橋河，卽令義勇首冉子明、李春、膏周
之昆、冉紹興等帶領鄉勇分伏南北兩面。該員
等另率鄉勇直前衝殺。該匪猝不及防，分投奔

逸經南北兩路鄉勇同時夾擊立斃賊匪三百
餘名生擒賊首申志修李大科謝臣順及夥匪
七十五名其餘均卽撲河淹斃奪獲刀矛布旗
一百七十三件詢明此起爲首申志修等住居
葛麻場近因王光祖一股賊匪擾至該處遂邀
約上下村莊五百餘人起意合夥將到石橋河
追趕王光祖不及當被鄉勇擒殺淨盡至所獲

各犯內除訊出實係被脅同行者卽行釋放外
將將忠志修李大科謝臣順等三首犯及夥匪
李騰昌等分別凌遲梟斬以昭炯戒

同日明亮與鞏奏言臣等自石塘壩鐵溪河一

帶截剿兩股賊匪回川由簡池壩倍道追趕張
逆道經羅溪壩老林一帶倏來兩股賊匪約有
二三千人急趨北走經臣等乘便督兵截擊賊

戮甚多該匪折回南奔據拏獲活賊陳明樊尙
志等供稱係樊掌櫃高掌櫃領來賊衆欲往漢
中一帶不料被官兵截殺仍向通江山內奔竄

臣等當卽飛咨勒保查辦外隨確探張漢潮去

路漏夜前進初十日趕抵城固縣知張漢潮率
領敗殘餘孽已於初四日晚至城固天明寺之
長灘地方躡淺過江向昇仙口逃遁臣等焦灼

萬分星夜由城固前進屢接秦承恩來信堅留
臣等暫駐城固以防未來之賊查張漢潮股匪
節次痛剿實已窮蹙若不趁此趕緊辦完臣等

更罪兵莫贖防江之責現有提臣王文雄等帶
兵駐守且後來之賊尙無確信而張漢潮前竄
城固一帶並未遠颺是以迅卽帶兵趕緊進發
連日確探張逆由城固八里關奔竄五郎擒獲

賊探孟正發孫連昇等十一名訊據供稱張漢潮過江後於城固一帶見無官兵攔擋又擄掠人口驟馬向五郎前奔等語卽將該犯等正法十九日據差探呂朝相報稱張漢潮率領餘孽暫屯兩河關擄掠臣聞信乘夜發兵黎明趕抵該處查看山勢兩面陡壁路徑窄隘該逆屯聚其中若分路兜截不能越過必得魚貫而入直

撲其營隨派愛星阿鎮臣長春率領遊擊游棟
雲應元寬督催馬步兵勇直前奮力撲營臣等

督催各營官兵衝進詎該逆一見官兵卽放鎗

斃倚恃山高路險搖旗擲石臣等鼓勵官兵冒

險撲進賊營鎗擊箭射登時斃賊及滾崖跌澗
者不計其數餘衆失措驚惶拋棄器械四散逃

竄臣等追殺六十餘里生擒大頭目張洪仁等

五十七名斃賊三百餘名將路通洵陽之小河

口扼住餘匪竟向老林翻山前竄臣寺親領馬

步官兵直上搜剿該匪狡獪異常將山徑偏橋

支木盡行拆毀砍伐樹枝填塞山徑以擋官兵

訊據張洪仁等供稱張漢潮在前十里外紮營

留矛手在後抗拒以便聞信早逃我等七月間

到四川共有一萬數千餘人連被官兵截殺所

剩無多現在官兵追殺甚緊想由白河洶陽一
帶乘間奔逃湖北再作計議若有官兵攔擋再
向山陽商州奔逃等語餘無要供當將該犯立
時鬻割查張漢潮蓄意回楚已非一日現在該
逆所帶婦女騾馱甚少惟剩千餘矛手行不裹
糧坐不屯紮臣明亮惟有激勵各兵覓道抄前
兜截並飛咨宜綿景安嚴密防堵以期夾擊集

事

明亮又奏言查六月間

臣

肅清陝境後帶兵一

千八百餘名剿辦張漢潮一股賊匪於七月初

二日抵川因額勒登保患病將伊所帶滿漢官

兵暫歸

臣

一路統率前後共官兵五千餘名至

二十六日出川境共計二十四日其時川省所

派糧員尙未到來所帶陝省糧員候補知縣王

家齊因漏省呼應不靈糧餉缺乏在太平縣借

銀一千兩散給直隸官兵銀五百兩廣東官兵

銀五百兩其餘各營官兵並未支領昨接福寧

來咨准秦承恩咨據陝省糧員宋昌珩稟稱

一路官兵在川月餘計需銀十萬有奇查知州

宋昌珩係額勒登保一路糧員

臣並未見面據

稱支放軍餉十萬有奇

臣營並無其事嗣於八

月二十七日臣與額勒登保會合分兵臣帶領

官兵三千餘名自陝入川剿捕張漢潮福寧所

派隨營糧員田文煦於九月初二日接辦糧務

稟稱臣一路官兵在陝舊欠兵餉三萬有餘係

言積欠軍餉而福寧將秦承恩所咨十萬有奇

總算在七月中需用數內共成十四萬兩之數

其實並非散給官兵之項臣稱等軍營共帶

長騾一千餘頭長夫二千餘名臣接准福寧來

咨節面訊田文煦以長路官兵僅二千餘名何

至需用夫騾如許之多據田文煦稟稱因福寧

札詢月需夫騾若干彼時未能實查數目因此

路日日移營恐猝不及辦是以多開數目稟報

以便寬爲預備等語查臣一路合輿肇所帶荆

州滿兵共祇三千餘名計一切軍火案卷擡運

礮位以及合營官兵鍋帳等項需用夫騾均係
按例給領營員並無濫支等弊卽該糧員自用
攜帶糧餉亦斷不致如許之多臣現已帶兵入

陝該員業經回川已咨勒保福寧查辦至臣所

帶官兵嚴飭細查俱係按例支領每月約需銀

二萬九千餘兩今尙未全領臣惟有留心檢點

不敢絲毫過分稍有浮支

同日恒瑞秦承恩奏言臣秦承恩前同宜綿蔽

剿西鄉竄匪逼歸川境適另股賊匪張漢湖由

城固北山竄入洋縣鐵冶河其地北通盤屋郿

縣係春間賊匪竄走西安之路臣秦承恩一面

飛札藩司陸有仁臬司台斐音於盤屋郿縣鄠

縣等處分督兵勇扼要嚴防一面抽帶兵丁七

百名並挑帶鄉勇自西鄉馳回漢中由留壩江

口平定關抄至盤屋二郎壩迎頭攔截時賊匪
前隊已竄至牛尾河欲由二郎壩偷越鳳寶大

路臣秦承恩督令遊擊邢承誥守備尙其倫等

奮力迎擊殲賊三百餘人生擒二十一名內有
賊目張漢伯一名訊係張漢潮之弟掌管大旗

當卽分別正法賊知北路有備卽由華陽山一
帶向南奔逸適明亮興肇等由川省兼程趕到

賊遂由茅坪一帶東竄五郎邊界明亮等沿途
追截屢夕接仗殺賊甚多賊匪現由鎮安洵陽
山內狂奔明亮等緊躡窮追又經宜綿派令總
兵關騰帶兵馳赴鎮安慶溥繞出山陽以遏賊
竄東北之路臣秦承恩復飛飭副將官信等相
機抄截並挑派兵勇令邢承誥向其倫等繞出
孝義探蹤迎剿如此四路兜圍諒無難一鼓殲

除臣秦承恩因探聞川省又有賊匪竄至通江

小方山將近陝境西路甚關緊要卽由五郎仍

回漢中以顧棧道門戶並可照料川餉過境適

臣恒瑞前在川省會同惠齡等攻破太鵬寨賊

巢帶兵回陝會剿經過保寧廣元一帶地方均

屬安靜茲行至褒城縣之長寨與臣秦承恩會

晤因思川北一帶賊匪股數較多現在又有竄

近通沅之信與陝省邊界在在毗連雖有王文
雄防守西鄉副將李文蔚防守寧羌沔縣而南
鄭褒城城固洋縣一帶江水淺涸兵備空虛必
須急籌備禦臣等惟有於適中扼要之地隨時
探明截剿

同日倭什布奏言臣連接西路探稟川匪一股

竄入陝境躡淺渡江分股奔竄節經諄飭防守

豫境盧浙一帶之總兵張文奇率同將弁嚴密防範並派糧道完顏岱馳往該處團集健勇分布各卡隘協力堵禦茲據該鎮來信探知賊匪已竄至陝省之商南縣武關地方距豫省僅一

百數十里

臣

查豫省閩鄉靈寶盧氏浙川一帶

均與陝境毗連現又飛飭該鎮道等督率將弁鼓勵兵勇實力防堵臣卽行起程順道由省派

調燕營官兵二百名帶領馳往西路沿途察探
何處緊要卽赴何處督同堵剿均奏入

上命軍機大臣傳諭勒保惠齡宜綿恒瑞明亮額勒
登保德楞泰曰勒保圍攻祖師觀賊巢雖經殺賊
多名並將賊寨焚燬而首逆仍未就擒且另股賊
匪林亮功等轉欲乘間與冷添祿合夥此皆勒保
遷延貽悞所致著傳旨嚴行申飭現在另股賊匪

俱經官兵擊退勒保若不將冷添祿速行擒獲移
師川北會剿其罪不可追矣所有打仗陣亡之外
委薩得芳張得貴及劉君輔一路打仗陣亡之守
備劉正麒外委燕福寧均著咨部加等議卹其殲
擒葛麻塲新起教匪之鄉勇等尙爲出力並著勒
保酌量加賞以示鼓勵至惠齡等剿辦羅其清一
股日久尙在相持所辦何事亦著嚴行申飭現在

再文偉一殺又竄至通江惠齡等尤當奮力截擊
稍贖重愆倘仍前延玩必當從重治罪至張漢潮
一股竄至洋縣經宜綿秦承恩督兵截擊又復入
鎮安山陽一帶此皆明亮等不能迅速剿捕以致
賊匪輾轉奔逃此次奏到之摺仍以空言搪塞明
亮等均著再嚴行申飭現在陝省已分兵防堵倭
什布亦督兵在豫省邊界堵剿明亮等再不趁此

時奮力合擊速擒賊首自思當得何罪耶其所奏支用餉銀一事前已有旨交勒保詳細查核統俟查奏到日一併按欵查辦以歸核實而杜浮冒

初十日

巳亥

景安奏言張漢潮一股賊匪於前月

二十二日由陝西洵陽竄至楚北鄖西邊界經

臣

預飭該處文武於要隘埋伏兵勇安設鎗礮

竭力轟擊該匪知難竄越卽折回鎮安向北狂

奔竄有闖入商州之勢。查商南一帶東與楚
北鄰縣均州交界北與河南盧氏等處毗連。臣

隨飛飭總兵王凱帶領兵勇確探迎擊併合道

員恒慶知府王正常率同地方各官厚集健勇

各守要隘以免闖入楚境其豫省邊界本有河

北鎮臣張文奇帶兵在彼堵截。臣已飛札該鎮

整頓兵力嚴行戒備並咨會倭什布飭屬各集

兵勇一體防範再南陽鎮總兵田永祠前經倭
什布奏派赴鄖防堵漢江此時賊已竄近豫界
該處實關緊要而鄖西江面距賊尙遠自應移
緩就急以收併力之效臣已飭令酌帶防江兵

五百名速赴豫陝邊界商同張文奇察看何處
緊要卽往何處併力堵截仍俟該處邊境寧謐
再回鄖郡防江庶無顧此失彼之患至臣防守

之竹谿竹山房縣一帶在在與川省毗連該省
各股賊匪忽近忽遠往來靡定現准勒保咨會
川北一路竄匪分擾開縣之温湯井一帶冀與
祖師觀賊匪會合經官兵擊退竄入大寧之湯
家壩等語臣查大寧切近房竹現與總兵路超
吉分路偵探賊蹤督率兵勇加緊堵截斷不使
一名竄越至宜昌府屬之巴東邊界亦距大寧

不遠前經奏派將軍成德前往幫同高杞堵禦
現准成德來信業已行抵該處臣飛咨高杞成
德一體加意嚴防以杜賊匪窺伺

同日倭什布奏言臣查豫省官兵除景安帶赴

湖北王文雄帶赴陝西外存兵本屬無多又分
西南陝楚兩路防守而西路陝豫接壤之區山
徑叢雜各卡隘分設兵勇每處百餘名至二三

百名不等誠恐賊匪分股闖入則官兵俱在賊
後東北一帶空虛是以將省城團練健勇七百
餘名派令原管之縣丞林嵐帶領先期星飛前
往堵截茲臣於途次接據各路稟報賊匪於二
十八九三十等日竄至陝豫交界之火燄溝箭
桿嶺一帶衝突卡隘節經守卡員弁率領兵勇
併力擊退詎賊匪不擇路徑連夜翻山肆竄初

一日由盧氏之官坡地方直撲縣城經陝州知州諸以謙率同該縣在城文武分投防禦適林嵐所帶健勇星飛趕到城西下柳村正與賊遇出其不意向前截殺賊匪恃衆抗拒該縣丞鼓勵健勇爭先衝擊鎗箭齊發殲賊多名賊匪不能抵禦向南折竄林嵐乘勝窮追三十餘里自辰至酉殺獲無數餘匪四散狂奔又有後股賊

匪數千人接踵而至經遊擊李正品糧道完顏
岱等分帶兵勇隨堵隨剿亦由官坡一路向東
奔竄總兵張文奇已自西坪聞信帶兵抄截明
亮興肇等帶領大兵亦已緊追來豫臣查此二
股賊匪聞係張漢潮詹世爵等因川陝被剿情
急率眾逃奔一入豫境卽經兵勇截殺已向東
南奔竄卽係嵩縣內鄉沿山一帶爲賊匪從前

竄走舊路

臣

早經嚴飭各屬集勇防堵此時明

亮等大兵在後緊追

臣

已飛札張文奇迅速帶

兵抄至賊前迎頭截剿以便首尾夾擊一面飛

咨防守襄江之總兵田永桐酌量情形如江岸

寧謐亦卽帶兵速來會剿並飭分帶兵勇之文

武員弁協力堵截爲四面兜擒之計

臣

仍星夜

趕赴嵩縣適中之地察探情形隨時佈置策應

至軍火糧餉業經督飭各屬趕緊籌備運送
接濟不至遲誤均奏入

上命軍機大臣傳諭勒保景安倭什布昭亮曰張漢
潮一股賊匪係明亮等帶兵追剿爲日已久總不
能緊躡賊蹤設法截擊致任輾轉奔竄復又擾及
豫境明亮等不僅無能實屬無恥著再傳旨嚴行
申飭此股竄匪現經四路堵截其楚北鄖縣一帶

又經景安分派將弁堵禦嚴密賊匪更可不致他
竄景安倭什布明亮等務須乘賊匪窮竄之時會
合三面夾擊卽將張漢潮詹世爵擒獲殲盡此股
匪衆不使蔓延楚豫爲要若不奮力會合夾擊速
擒賊首又任竄至楚豫則明亮等罪上加罪再不
能曲爲寬貸也

倭什布又奏言豫省自上年七月間奏撥餉銀

一百萬兩今已年餘動用完竣業經分案核實
造報其不敷之項悉係於司庫正雜銀兩項下
湊支應用現在賊匪復由川陝分股闖入豫境
明亮與肇等帶領大兵緊追前來一切供支均
關緊要臣現飭各屬趕辦運送仰懇

皇上天恩勅部撥發餉銀迅速派員解至豫省以資

接濟臣自當督率司道暨承辦各員撙節料理

事竣核銷奏入

上諭內閣曰據倭什布奏豫省軍需支應並兵差經費不敷須預爲籌備等語著於戶部庫內撥發銀八十萬兩迅速照例解往交該撫樽節支用

欽定剿平三省邪匪方略正編卷八十六

戊午年

十二月十六日

乙巳

惠齡額勒登保德楞泰奏言

查羅其清爲川中著名首逆各匪藉爲聲援前

經

臣

等疊次痛剿由青觀山奔竄尚有一萬四

五千人忽分忽合希圖牽綴官兵十一月二十

六日賊匪竄至官山

臣

等當分兵兩路惠齡額

勒登保率領阿哈保綸布春李紹祖豐紳格布

舍三布爾噶達彙德明泰敷森額達斯呼爾岱
楊遇春穆克登布關聯陞等帶領兵勇由右山

梁搶撲

臣

德楞泰督領賽冲阿阿穆勒塔温春

達勒精阿阿納保默爾歡保僧多保色爾滾穆

騰額札勒杭阿達自祥李應貴閔懷希劉維馨

屯副將銜阿噶昆明屯叅將銜耶卡耳結等由

左山梁搶上鎗箭並施斃賊五百餘人二十七

日逼至巴河賊匪覓水而過官兵乘勢擊殺賊
之淹斃并被殲戮者甚多賊又竄上南北山

臣

等督兵連夜渡河前進於黑暗中與賊攪殺黑

龍江委防禦舍通阿吉林委官色楞保中鎗陣

亡二十八日相持一日賊匪力不能支二十九

日竄至老鴉城屯踞

臣

惠齡額勒登保督兵由

麻匝石三官堂梅子灘兜擊

臣

德楞泰帶兵由

關子嶺麻石口進攻查麻石口有通老鴉城岔
道恐賊匪由此奔逃復派總兵朱射斗副將許
文謨叅顧佛寧叅將李錫命遊擊喜明都司楊
森等帶兵分投防堵

臣

等督令官兵盡力攻擊

殺賊一千餘人該匪由柘口河土門一帶逃逸

臣

惠齡額勒登保緊躡賊蹤

臣

德楞泰由雙山

子土地堡抄襲三十日未刻賊匪正在邱家堡

擄糧炊飯適官兵兩路趕至前後合擊朱射斗
等帶兵亦已前來當斃賊匪八百餘人賊匪倉
惶而遁竄上虛空寨擲石放鎗抗我顏行官兵
仍分路搶撲復用大礮轟擊賊之死者不計其
數該匪捨命滾崖四竄臣等趕緊掩擊屍橫遍
地而未得羅其清下落中心焦急十二月初二
日趕至白埡子地方拿獲活賊訊知羅其清弟

兄帶二千餘人在蔡家梁下溝藏匿隨派賽沖

阿德寧李錫命馬瑜喜明蒲尚佐等帶領兵勇

先於溝之南北堵截臣惠齡額勒登保德楞泰

立時督兵趕至從蔡家梁兩面下壓官兵恨賊

已極知羅其清逼在溝內無不奮勇爭先追殺

一日夜之久於初二日將賊衆殲洗無遺羅其

清等數百人潛匿濠子灘洞中遊擊喜明馬瑜

守備馬萬年楊芳等由手扒崖進洞搜捕餘匪
衝出悉被官兵斬戮羅其清尚敢持刀抵禦守
備馬萬年受傷衆兵憤激欲將該匪斃割羅
其清急欲自刎副將德寧等大聲曉諭兵丁不
得亂殺令將羅其清所持之刀奪獲及伊堂弟
羅其秀伊子羅泳福一併生擒其胞弟羅其書
衝出投河被四川兵安連陞周文炳趕擒用矛

截傷其足捆送前來伏查羅其清在川北一帶聚眾起事到處焚掠至二年之久罪惡貫盈羅其書卽羅老五賊稱爲二元帥曾在營山一帶阻截糧道與羅其清明比作奸亦屬兇悍異常臣等分路兜剿七晝夜滿漢屯土兵勇無不出力今仰仗

聖主威福將該首逆父子兄弟臨陣生擒實足以快

人心而申

國憲統計此次殺賊共五千餘人生擒魏中孚等
一千餘人首逆羅其清胞弟羅其書另行委員
押解赴京其餘概行正法內有訊明實係被脅
之李士得等二百十一名均經釋放至該處山
路紛錯恐尚有逃竄餘孽一面交地方官率領
團勇分行搜捕淨盡現查賊匪冉文儔在通江

之麻壩寨屯踞臣等已派令朱射斗馳往竹峪

關會同德齡帶兵先杜其入陝之路臣等刻日

整兵前往剿辦想再文備聞羅其清業已生擒

自必膽落臣等俟辦完此股探係何路緊要再

辦何股以期次第掃除所有疊次打仗受傷官

員開單呈

覽其傷亡兵勇查明咨部辦理

同日明亮與肇奏言查張漢潮被剿情急遁入

陽山老林填塞路逕率領餘孽分起奔竄

臣等

覓道由公關抄出卽擒獲守後賊目陳大升等

十三名訊知張漢潮帶領矛手已由李家河前

竄後起賊目冉學勝高玉春等帶領數百人尚

在沙子嶺山內藏匿候官兵過山希圖抄截後

路

臣

等恐腹背受敵自應先將後股賊衆掃淨

再行進追張漢潮二十七日行抵王家河地方
離沙子嶺二十餘里據長探萬彪報到後股賊
匪接續前來臣等卽率兵暗伏山坳待賊匪相
近突出鎗箭齊發該匪惶迫卻走山徑狹窄擁
擠爭逃滾崖跌澗者不計其數官兵奮勇衝殺
殲斃二百餘人復於山溝林內搜出四十三名
均卽正法冉學勝高玉春等領敗殘餘匪百數

千人翻山四散察其情形將來必仍繞歸前隊

次日

臣

等卽督兵倍道進擊沿途擒殺哨探賊

目日有五六名及十餘名不等初二日行至盧

氏縣屬之大河廟適道員完顏岱縣丞林嵐各

帶兵勇在箭桿嶺一帶堵禦因張逆前後二股

會合業由火焰溝翻山前竄該道員卽帶領兵

勇前來適撫臣倭什布委員解到騰社馬一百

四十六匹並弓箭等項正資接濟初四日行抵

祖師廟鎮臣張文奇帶兵一千餘名由西坪前

來與臣等會合籌商該鎮卽帶兵由朱陽關前

往抄截臣等漏夜進擊初七日戌刻趕至趙家

村探得賊衆在下湯地方散聚二十餘里距臣

等行營六十餘里飛卽起營乘雪趕緊進發黎

明馳抵該處不動聲色分路抄圍值該匪正欲

拔營前竄臣明亮親率愛星阿協領秦巴圖總

管都當阿遊擊游棟雲應元寬等帶領馬隊馳

射兜圍賊衆望風而逃四山分竄臣興肇同鎮

臣長春副將多爾濟扎普等帶領步隊奮勇擊

殺道員完顏岱督率縣丞吳鴻詔趙興藝等帶

領兵勇分佔山梁施放鎗礮聲威倍壯該匪困

而猶鬪每上山包卽迎面下壓拋擲石塊捨命

抗拒馬步官兵勇往直前自卯至戌盡一日之
力左兜右擊追殺六十餘里翻越四坐大山共
斃賊五百餘名生擒頭目張大順劉正元余學
通等一百二十三名奪獲騾馬牛驢刀矛旗幟
無算餘匪扒上伏牛山四散亂竄因天已向晚
官兵疲乏暫令紮住訊據張大順等供稱張漢
潮前在兩河關被官兵剿殺甚多心甚焦急萬

病復發半月來乘坐兜子日夜行走今早聞官
兵追來仍騎驃先跑聞說湖北同來矛于手已
被官兵殺斃十之八九現在人數甚少屯紮不
住官兵跟追得緊今仍想回湖北總向無官兵
處奔走餘無要供當將該犯等立行正法查張
逆籍隸襄陽原欲從南召裕州唐縣回襄經
臣
等此次痛剿逃上伏牛山又欲由鎮平內鄉或

奔鄧州或竄老河口仍可繞赴襄陽棗陽一帶

逃回唐子山舊巢聞倭什布已帶兵前來日內

即可趕到張文奇完顏岱皆熟悉地利情形是

以卽同商酌若無迎頭攔截之兵徒事尾追難

卽撲滅

臣

等由南召南陽至鄧州迎剿倭什布

已派田永桐帶兵自鄖西東來截剿

臣

等令張

文奇帶兵二千餘名緊躡賊蹤派叅將蔡鼎帶

兵四百名自西坪往內鄉一帶堵剿倭什布未到之前道員完顏岱暫同臣等一路以便隨時籌商調撥臣等布置已定卽分投進剿如此四路兜圍可期一鼓蕩蕩

同日宜綿奏言竊臣駐紮石泉策應南路嗣據

安康稟報川匪李樹等各股攻撲南天門隘口

甚急請兵救援臣以李樹樊人傑等均係湖北

人往來游奕總欲入陝與張漢潮合夥東奔回
楚必須竭力堵禦而臣所有之兵分派已盡因

飭道員溫承惠知府周光裕知州王駿猷等調

集各路鄉勇臣親身督率馳赴南天門賊匪正

在攻打卡隘溫承惠等督率義首吳森茂何中

砥等連放鎗礮擊賊四十餘名賊匪仍未退走

賊目吳心琪在嶺下喊叫臣密派知府龔景瀚

知州胡紀謨叅將韓加業等各帶鄉勇分爲左右兩路衝下賊匪驚顧狂奔追殺三十餘里斃三百餘名生擒吳心敬等十一名搜出吳心琪所出偽逆告示一紙語多狂悖當卽燒燬將該犯凌遲示衆其時又有一股賊匪攻撲黃金溝卡隘典史李林告急臣復派協領西林布侍衛張聯奎通判閻重鑑馳赴該處賊匪正衝過

高頭壩卡隘直趨界嶺西林布等督率義首汪
兆洪等在北西山梁緊對來路施放大礮賊匪
被轟及自相踐踏死者約三四百人賊始退回
西奔分紮太平之冉家壩後玉河等處距紫陽
之二州堽六道河各隘均不及百里臣查柯藩
帶兵千餘名分防二州堽瓦房店等數處隘口
兵力實屬單弱知縣蔣志坦金思義等所練鄉

勇雖健壯可用屢次得力而賊匪有十數股若
合力衝突深爲可慮現在恒瑞已抵漢中西鄉
有王文雄率兵防堵西南一帶兵力稍充

臣

卽

飛調駐防寧沔之副將李文蔚將原帶兵一千

餘名趕赴二州埡一俟到齊

臣

卽親身帶領迎

剿並移知川省兩面夾擊正在調派檄催間接
據商州稟報張漢湖一股賊匪因漫川關一帶

防堵嚴密不能竄回湖北東奔商南出河南之
浙川經明亮與擊帶兵追截折回東北由雒南
之巒庄竄至盧氏官坡地方明亮等緊躡賊蹤
並有秦承恩所派之遊擊邢承誥守備尚其倫
亦隨後緊追等語臣聞信不勝焦急竊計盧氏
雒南一帶卽係去歲賊匪由豫入陝之路倭什
布接臣前札自必嚴爲佈置今經明亮等躡蹤

急擊賊匪必從間道折回臣復飛飭關騰等由

山陽商州捷徑迎往與明亮等前後夾擊務期

擒拿首逆以靖妖氛臣現在竭力堵禦安康紫

陽一帶並飛咨恒瑞秦承恩在漢中一帶嚴密

截堵毋致後股賊匪闖入乘間與張漢潮合夥

東奔則其勢自孤明亮之兵即可迅速蒞事均

奏入

上命軍機大臣傳諭勒保宜綿惠齡明亮額勒登保
德楞泰曰惠齡等奏生擒首逆羅其清等痛殲賊
衆覽奏稍慰惠齡等統領吉林黑龍江勁旅剿辦
此股賊匪任其輾轉奔逃久稽時日直至此時始
將羅其清等擒獲原屬有過無功但念各路帶兵
大臣老誠糜餉無毫末之功足紀今惠齡等尚能
愧奮自勵擒獲賊首較之勒保明亮等差強人意

惠齡額勒登保德楞泰俱著賞戴花翎以示鼓勵
現在軍聲已振卽當激勵將士乘勝直前進剿再
文儔一股冉文儔當潰敗之餘聞知羅其清業已
生擒自更喪膽官兵到後無難一鼓成擒惠齡等
不可不屢勉成功力圖自贖也至此大生擒羅其
清羅其書自必有首先上前拿獲之人著惠齡等
查詢明確指名據實具奏到日再行加恩伊等不

得攘爲已功致有屈抑羅其清羅其書二犯著卽
派委妥員迅速解京不得稍有疎虞所有打仗陣
亡之黑龍江委防禦舍通阿吉林委官色楞保著
咨部加等優卹至明亮等追剿張漢潮等爲時甚
久任其由陝入豫總未擒渠蕝事本日明亮等奏
到追剿情形祇係敷衍塞責而摺內尚稱連次病
加剿殺尤屬無恥之極著再傳旨嚴行申飭勒保

圍剿冷添祿一股與賊相持毫無展布伊係總統
大員帶領如許勁兵攻此窮困之賊遷延日久實
屬無能試與惠齡等相形寧不稍知羞愧奮激自
勵耶著再傳旨嚴行申飭至川北賊匪紛紛潰竄
逼近陝省宜綿秦承恩等惟當嚴密防堵毋令北
竄滋擾爲要

十八日未倭什布奏言查張漢潮分股餘匪向

嵩縣一路逃竄明亮興肇帶領大兵緊追入境

臣飛飭張文奇帶兵迅速抄前夾擊臣因官兵

俱在西南北面空虛恐賊匪探知向彼奔竄必

須杜其北竄之路臣現帶滿兵二百名較爲單

薄一面飛飭附近各州縣厚集鄉勇扼要防禦

臣卽馳往嵩縣迎頭堵截適賊匪竄至該縣之

里峪大章一帶經臣派往之通判佛敏率領鄉

勇極力抵禦

臣

亦星飛趕到督飭官兵放鎗連

環轟擊賊折回翻山向東南魯山一路竄逸維

時明亮等星夜前來

臣

未及迎晤卽緊從北面

抄往魯山江賊匪漏夜狂奔初七日已擾及該

縣離城二十五里之保安莊焚掠知縣吳昭帶

領義勇奮力剿殺殲賊數名

臣

督令佐領清書

帶兵馳往衝擊賊見北路處處有兵仍復向南

遁退

臣

處前後截獲賊探並追擒男婦共七十

餘人訊明實係賊夥卽行正法其裹脅之人釋

放安插旋探得初八日明亮等追至魯山之下

湯地方趕及賊匪痛剿一仗餘匪連翻大山拚

命狂奔又遇糧道完顏岱等帶領兵勇截殺賊

復折竄南召之李青店一帶明亮與肇督同張

文奇及各將領等分路佈置兜圍抄擊並准景

安杏會已令總兵田永稠帶兵由江岸回豫

臣

已飛飭該鎮速來協剿

臣

仍由北路帶領馬隊

馳驟策應察探賊蹤趨向何處卽赴何處迎截

再明亮等帶領索倫勁旅趕緊追賊馬力已形

疲乏

臣

先經預備戰馬數百匹喂養臚壯並同

弓箭陸續趕解大營足資馳騁殺賊之用一應

軍火糧餉亦皆源源撥運接濟無悞目下正當

嚴寒兵丁勞苦倍常臣已飭局趕製棉衣四千
件鞋襪四千雙運送分給俾資更換奏入

命軍機大臣傳諭勒保惠齡富成明亮額勒登保
德楞泰倭什布曰張漢潮一股本係明亮與肇惠
辦仍任其分股奔竄四處滋擾迄未成擒所辦何
事而勒保統領勁旅剿辦糧盡援絕之冷添祿曠
日持久總未就獲惟以空言支飾竟惠齡等之不

若實爲伊等羞之伊等亦知自愧否俱著再傳旨
嚴行申飭王惠齡等雖將羅其清兄弟臨陣生擒
但冉文儒一股尚在奔竄徐添德一股係富成專
剿惠齡等正當趁此勝勢悉力兜擒不可因羅其
清業經就獲可以暫時搪塞不思勉力速辦復蹈
從前遷延故轍是所深望現屆歲除不過旬餘各
路帶兵大員已難望其於年內一律肅清但能將

冷添祿張漢潮冉文儔徐添德等著名賊首續獲
二三名不特伊等玩悞之罪可以稍贖尚當加以
恩獎勉之

二十日

巳酉

勒保奏言

臣

前將救援祖師觀後路

兩處賊匪分投擊退並攻克手把岩賊卡後匪

衆堅守要隘悉力相持

臣

每日分撥兵勇輪番

誘敵而賊匪止於木城石卡內擲石放鎗更爲

狡詐本月初一日晚間霧氣較重間以微雪按

德英額一路瞭哨兵勇具報遙見老觀嘴之下

有賊陸續下溝臣當派叅將薛大烈帶領守備

薛陞羅思舉等設法預備將至三更賊匪果扳

援鹿角意圖撲卡我兵出其不意鎗箭競發立

斃賊三十餘名餘匪狼狽竄去初三日臣復督

率達三泰百祥觀成穆克登阿分兵四路環繞

進擊自五更至巳午之交斃賊甚多惟坎坡層
疊不能竟上次日我兵又躡路進抵五層臺地
方突有賊匪一股自祖師觀北面而下賊自在
前手持白旗率衆捨命衝矢達三黍發箭射賊
連斃數名賊衆稍卻各兵勇連環放鎗傷斃執
旗賊目經餘匪背負踉蹌遁逸我兵奮勇追殺
擒獲活賊孫惴富等二十六名當將五層臺木

城草棚悉行燒燬訊據獲賊供稱爲首執旗賊
目係名冉悅現被鎗傷頸項其初一日下溝撲
卡之賊係賊目劉朝選當受石傷並滾崖跌傷
左目現在冷添祿只令各戰手堅守卡隘預備
滾木插石抵敵官兵但各路營卡團圍嚴密看
來無路逃竄糧食亦將喫盡餘無要供當將該
犯一併正法臣現在整頓兵力總期於數日內

一鼓掃羣以期稍贖遲延之咎再林亮功王光
祖等股賊匪滋擾合州定遠等處分合無常

臣

因劉君輔富森布等一路兵孤不能得力是以
先經知會額勒登保分兵剿捕茲聞羅其清首
夥已經全數殲擒則通巴境內止有冉文儔一
股如惠齡前往剿辦更無須重兵會合額勒登
保正可馳赴定合一帶與劉君輔等趕緊夾擊

其徐添德一股賊匪復由隣水岳池竄赴廣安

經將軍富成帶兵追剿臣節次飛札嚴催茲據

具報進抵岳池黎梓衛地方遇賊接仗富成督

兵攻擊斃賊二千餘名擒獲二百餘名臣仍知

會富成務卽探明首逆蹤跡相機迅剿至龍紹

周樊人傑龔建等股賊匪自經臣分兵於溫湯

井渡口岩等處截剿後該匪等卽由大寧邊界

竄至奉節之馬鞍山七星壩等處並攻撲蓮花

池卡隘經

臣

所派副將富明阿會同署奉節縣

知縣徐大椿督率兵勇當時擊退該匪等卽在

九盤子草塘河一帶屯聚

臣

先已札飭防守巫

山之叅將吉林泰都司徐朝綱等預備截擊並

知會湖北撫臣高杞於沿邊一帶嚴防東竄一

俟祖師觀賊匪卽日掃除自當就近分兵設法

剿辦

同日恒瑞奏承恩奏言

臣

恒瑞前由川省分兵

馳回陝省因川境各股賊匪俱在巴州通江一

帶漢中西南邊界甚關緊要當卽於西路適中

之地扼要截剿賊匪未敢窺伺現據探報惠齡

德楞泰額勒登保統領大兵已於巴州蔡家梁

地方將羅其清等擒獲餘衆殲滅殆盡惟冉文

儔一股尚在通江境內並探聞李樹樊人傑等
各股賊匪自安康南天門被兵勇擊退後竄至
太平之大竹河均與西鄉紫陽切近查紫陽沿
邊一帶地勢險峻現在柯藩等督率兵勇分布
防堵尚屬嚴密惟西鄉邊界綿長八九百里通
川路徑甚多就地設卡不能處處踞險且係賊
匪屢經出入之地雖現有王文雄在彼防堵究

恐一路兵勇東西難於兼顧

臣

恒瑞卽移兵馳

赴西鄉一帶探明賊近何路卽赴何路迎頭截

剿

臣

秦承恩仍在西路防範並就近照料川餉

俟全數出境後亦卽探聽賊蹤與

臣

恒瑞等會

同剿辦均奏入

上命軍機大臣傳諭勒保惠齡恒瑞秦承恩曰勒保
剿辦冷添祿一股賊匪日久總未剿竣盼望捷音

甚切茲據奏報官兵打仗情形祇不過將賊卡木
城燒燬擊傷賊目仍未擒獲首逆不足爲功試思
惠齡等尚能愧奮擒賊勒保係總統大員帶領如
許勁旅剿此窮困之賊株守數月毫無展布相形
之下寧不自知羞愧耶冉文偉一股尚在奔竄徐
添德一股係富成專剿惠齡等正當奮力進擊乘
勢殲擒而林亮功王光祖等股尚在台州定遠等

處恐劉君輔富森布在彼剿辦不能得力著惠齡
等酌量情形或分一人帶兵馳赴定合一帶剿辦
或派將領前往截擊又李樹樊人傑等股賊匪竄
至太平逼近西鄉一帶地方恒瑞帶兵前往並不
能卽行迎擊殲擒賊首以贖從前延緩之罪均著
傳旨嚴行申飭此時秦承恩在西路堵禦宜綿亦
在紫陽一帶防禦布置嚴密恒瑞尤應探明賊蹤

奮力迎剿毋任闖入陝省

二十二日

辛亥

惠齡額勒登保德楞泰奏言連日

據阿哈保温春帶兵於蔡家山溝內拿獲蘇文
遠党人傑八十餘人又據賽沖阿李紹祖帶兵
搜至大羅山一帶巖洞及樹林內拿獲沈士清
等六十餘人又阿穆勒塔穆克登布等帶兵前
至琅玕崖地方坡坎之下有賊匪百餘人一見

官兵拾死抗拒我兵殲殺五十餘人生擒朱思
珠等六十餘人又各鄉勇先後拿送賊匪魏冠
儒等共九十餘人巴州附近百餘里內均已搜
剿無遺所獲賊匪內訊出魏冠儒係偽副元帥
又蘇文遠沈士清苟文宰苟文相等係羅其清
大頭目訊無要供均經凌遲處死其餘審明實
係逆犯亦卽正法又據鄉勇拿送夏達恩到營

訊明係羅其清親表弟同習白蓮教謀逆起事
附錄供詞呈

覽該犯罪應凌遲因據供冉文儔等俱係熟識隨將

該犯暫禁軍營以便拿獲冉文儔等質認臣等

帶領勝兵馳赴通江之麻壩寨剿辦冉文儔一

股賊匪本日行次驢背地方接准勒保來咨以

台州一帶賊匪滋蔓該處爲重慶上游恐賊偷

渡河西所關甚鉅令臣額勒登保帶兵前往相

機剿捕並令臣德楞泰酌分兵力等因臣等公

同商議除臣額勒登保原帶兵一千餘名外臣

德楞泰酌分給

乾清門副都統阿哈保所帶索倫兵六百餘名副

將徐文謨所帶廣東兵一千二百名併交帶往

酌取道達州前赴合州一帶剿辦臣惠齡德楞

泰帶領現有之兵前赴通江之麻壩寨趕緊將
冉文儔一股設法剿辦奏入

上命軍機大臣傳諭勒保惠齡景安恒瑞明亮額勒
登保德楞泰曰惠齡等奏搜捕餘匪淨盡卽移師
剿辦冉文儔一股覽奏俱悉羅其清最爲著名首
惡旣已生擒解京軍威已振惠齡等自應乘勝速
赴通江攻剿冉文儔一股其搜捕餘匪審訊賊供

等事有何緊要況所獲不過數十名祇須酌留與將司道等員在彼儘可辦理乃惠齡轉舍所急而事所緩耽延冬日逗留不進今始移師往剿冉文儔又致與賊以暇任其滋擾殊失機宜惠齡等仍著傳旨嚴行申飭

二十四日

癸丑

明亮興肇倭什布奏言查張漢潮

賊衆經

臣

明亮興肇在下湯一帶痛剿窮追

臣

倭什布緊從北面攔截賊匪不能竄走南召裕
州大路逃上伏牛山老林竄遁該處山深冰雪
人跡罕到臣明亮與肇連夜督率將備鼓勵兵
勇緊躡兇擊復殲賊五百餘人山溝林內搜出
藏匿賊匪徐盛發等三十七名訊據僉稱張漢
潮原想走南召裕州一帶村莊地方擄掠人馬
逃回湖北因各處堵截嚴緊又節次被官兵追

截現在只探聽無官兵處各自逃生餘無要供

當卽正法維時

臣

倭什布帶兵趕到

臣

明亮興

肇飛卽由南召南陽星夜倍道追剿復派總兵

張文奇跟蹤追擊

臣

倭什布緊顧北面往來攔

截並令總兵田永祠由鄖西前來截剿分路圍

圍日漸緊逼爲一鼓殲擒之舉詎賊匪狡狴異

常由白馬寺樂川旁徑翻山折回西竄忽分忽

合轉欲牽綴官兵臣明亮興肇趕至南陽一經

聞信飛卽躡覓捷徑由鎮平內鄉馳往迎頭截

剿卽使賊匪折回陝境亦可取道荆紫關等處

仍能抄出賊前相機剿殺現復飛飭各路鎮將

加緊兜抄臣倭什布仍帶滿兵二百名往來馳

驟杜賊北竄之路一面多差幹弁分探賊蹤趨

向相機策應目下江岸寧謐已飛飭南汝道陳

鍾琛撤帶防江之鄉勇迅速 趕回協堵奏入

上命軍機大臣傳諭勒保明亮曰 旅漢潮本係明亮
等專辦乃任其輾轉奔逃由陝 川豫今又任從自
馬寺樂川旁徑遠遁無能已極即 亮與肇俱著傳
旨嚴行申飭此時楚豫兩省有景安倭什布督兵
截擊明亮與肇若再不趁賊匪窮蹙之時奮力夾
擊速將首逆擒獲其罪斷不可追矣

二十八日丁巳勒保奏言臣自初三四等日督率

兵勇焚燒五層臺賊卡後匪衆晝夜嚴防悉力
抗拒各路鎮將節次分投攻撲無如賊匪居高
臨下鎗石兼施不能竟上再三躡探惟魚鱗口
之上有橫梁一道路徑雖極險峻然果能奪據
攻取賊巢較爲得勢隨派令德英額穆克登阿
各帶官兵仍於老觀嘴等處原路每日攻擊以

分賊勢臣於十一日帶兵繞赴魚鱗口一路預

爲布置派令達三泰百祥薛大烈等分兵三路

於次日丑刻鼓勇進發臣與觀成另督兵勇相

機策應甫及五更聞西北二面鎗礮齊發賊衆

鳴鑼吶喊悉向老觀嘴抵禦臣卽督催前隊由

魚鱗口扳援石坎向上攻撲查該處原有木城

一道沿坡均搭葢草棚所有防守賊匪不虞此

路官兵躡險驟至極形慌亂惟時我兵已齊抵
木坡之下拋擲火彈點燃鹿角兵勇乘勢撲入
立斃賊匪三百餘名隨將山梁奪據其祖師親
之賊措手不及復分遣匪衆由蛇皮峯山溝蜂
擁而下意圖抄襲經觀成帶兵截住放鎗迎擊
斃賊七八十名餘衆踉蹌退去臣當卽挑派官
兵於該處拿卡駐劄設法捕攻至富成一路官

兵前於岳池黎梓衛地方遇賊接仗之後因廣
安境內又有賊匪擾及後路是以富成復由清
涼寺一路督兵剿捕殺賊五百餘名現在進抵
龍安場據稱此路賊匪係徐添德王光祖張映
祥等其大夥悉於廣岳交界之周羅溪花板橋
石垭場等處屯紮其合州定遠沿河窺伺賊匪
先經定遠縣知縣孫熙帶同典史顧照義首烏

文炳等督率鄉勇於張家灘地方過河奮擊斃賊三百餘名搶獲木筏六十二架匪衆紛紛潰

竄適劉君輔富森布一路官兵亦由江北進抵

谷州臣當令該鎮等將所帶官兵沿河分布以

防賊匪偷渡惟岳池廣安交界賊勢較重並恐

定遠擊退之賊亦折竄岳池富成一路官兵不

敢剿辦適據報額勒登保帶兵三千餘名由達

州大竹進發

臣

卽飛囑額勒登保竟趨廣安與

富成之兵彼此會合相機剿辦自能得力至龍
紹周等股賊匪仍於奉節大寧邊界往來奔竄
臣恐夔州一帶兵力無多不敷堵截現於各營

卡內抽撥官兵交副將呂朝龍先行帶往以資
策應

同日倭什布奏言查張漢潮一股賊匪自竄入

豫境後節經兵勇截殺屢挫其鋒明亮與肇帶
兵緊躡痛剿餘匪實已窮蹙因獲賊供稱張漢
潮蓄意竄回湖北

臣

前與明亮等公同熟商必

須卽在豫省趕緊擒渠蒞事與其竄入楚境寧
可截回陝境尚易剿辦是以明亮等趕緊抄至
賊前由鎮平內鄉馳往迎截自東而西以扼其
入楚之路

臣

緊從北面攔截賊匪沿山折竄不

敢擾及平地凡村莊稠密之區未致被其蹂躪
一面飭總兵田永桐張文奇叅將蔡鼎等帶兵
分路兜抄衝擊復令各地方官厚集鄉勇幫同
堵截賊探知不能竄走南召裕州大路又不能
向鄧州南陽趨遁惟於層嵐複嶺中覓路逃竄
適田永桐帶兵趕至黃沙街正遇賊匪當卽迎
頭截剿賊匪公然抗拒我兵人人奮勇殺賊三

四百人叅將蔡鼎知府朱紱遙聞鎗礮之聲分
帶兵勇馳赴助戰賊見兵勢壯盛拚命翻山逃
竄田永桐等督率兵勇奮力追殺餘賊仍由盧
氏之朱陽關竄至月至溝漆樹溝一帶復經總
兵張文奇督率都司蘇大雄等帶兵追及殲斃
數十人餘匪連翻大山從里漫坪狂奔向西竄
逸田永桐飛卽帶兵抄道馳往追剿查里漫坪

迤西路通商雜臣揣度賊情自必折回陝境明

亮等前亦計議及此探聞此信卽取道荆紫關
等處仍可抄出賊前一面飛咨宜綿秦承恩速
飭堵截均奏入

上命軍機大臣傳諭勒保明亮曰連日因新年甚近
盼望捷奏倍爲焦切今日遞到勒保摺報披閱之
餘實深憤懣數月以來勒保處竟未獲一名賊首

川東賊匪仍屬負隅卽以冷添祿一股而論昨於
二十日奉到據稱數日之內卽可擒獲迄今又閱
八日並未蕩掃賊巢可見屢次空言全不足信不
但無顏對朕更有何顏以對將士勒保著再傳旨
嚴行申飭至張漢潮一股屢經剿殺勢極窮蹙茲
又據倭什布奏官兵逼剿張漢潮業已折回陝境
明亮等若再不乘賊匪潰敗之時迅速殲擒復任

其輾轉奔逃由豫入陝遷延玩寇坐失機宜罪更
難道明亮等著再傳旨嚴行申飭